



- \* Февраль воқеалари – юракдаги ўчмас доғ
- \* Ҳозирги журналистлар нимага қодир?
- \* Ногиронга айб эмас, даво керак
- \* 117 ёшли кўев ва 17 ёшли келин



# Туркистон

Элим деб, юртим деб,  ёниб яшаш керак

1925 йилдан чиқа  
бошлаган

ЎЗБЕКИСТОН ЁШЛАРИ «КАМОЛОТ» ЖАМҒАРМАСИ ГАЗЕТАСИ

1999 йил 13 март Шанба.  
№ 19 (144210)

## ЕВРОПА ПАРЛАМЕНТИ ШЕРИКЛИК ВА ҲАМКОРЛИК ТЎҒРИСИДАГИ БИТИМНИ

### ИМЗОЛАДИ


Ўзбекистон Президенти И. Каримов 1996 йилнинг июнь ойида Флоренцияда имзолаган Ўзбекистон Республикаси ва Европа Иттифоқи ўртасидаги шериклик ва ҳамкорлик тўғрисидаги битимни тўла ратификациялаш жараёни ниҳоясига етмоқда.

12 мартда Европа парламенти ушбу ҳужжатни деярли бир овоздан ратификация қилди ва Европа Иттифоқининг белгиланган қоидаларига биноан Европа Иттифоқи Кенгашига қабул қилинган қарор тўғрисида хабар берди.

Яқин кунларда Шериклик ва ҳамкорлик тўғрисидаги битимни ратификациялаш масаласининг Франция парламентида муҳокама этилиши кутилмоқда. Шундан сўнг Ўзбекистон Республикаси ва Европа Иттифоқи ўртасидаги шериклик ва ҳамкорлик тўғрисидаги битим тўла амалга кириди.

«Жаҳон» АА

## ИШОНЧ КАРВОНЛАРИ



Янги ўзбек болалари  
ўзгаларга эмас  
ўзларига ишонишади

## ГОЛИБЛАР АНИҚЛАНДИ

Ўзбекистон Бадий академияси Аёллар йилига бағишлаб ўтказган «Аёл қалбида олам тасвири» кўرғазмаси ниҳоясига етди. Юздан ортиқ ижодкор аёлнинг тасвирий санъат, ҳайкалтарошлик, бадий кулолчилик, чиннисозлик, халқ амалий санъатининг хилма-хил турлари бўйича яратган саккиз юзга яқин асари томошабинлар эътиборига ҳавола этилди. Кўрғазма якунига кўра тасвирий санъат ва графикада Людмила ва Диана Содиқованинг «Ёз гуллари», ҳайкалтарошликда - Марина Бородинанинг «Ўтлар шивир» асарлари, халқ амалий санъатида - Шоҳида Облоқулованинг кашта асари биринчи ўринни эгаллади. Барча голиб ва совриндорларга кўрғазма ҳомийси «Американ Бритиш Табако Ўзбекистон» компаниясининг совғалари топширилди.

ЎЗА

## ҲАФТАНИНГ МУҲИМ ВОҚЕАЛАРИ

\* 8 март куни Грузия Республикаси Президенти Эдуард Шеварднадзе амалий ташриф билан мамлакатимизда бўлди.

9 мартда Дўрмон қароргоҳида Ислоҳ Каримов ва Эдуард Шеварднадзенинг яқма-яқка учрашуви бўлди. Унда икки томонлама муносабатларни ривожлантириш, иқтисодий ҳамкорлик кўламлигини кенгайтириш, минтақавий хавфсизлик, жаҳонда юз бераётган долзарб воқеалар билан боғлиқ масалалар юзасидан фикр алмашилди.

\* Нукуслик қаратэчи Рустам Қозоқов Бразилияда 90 дан ортиқ мамлакат спортчилари иштирок этган

халқаро ўйинда еттинчи ўринни эгаллади. Унда иштирок этган Хусниддин Сафиев бешинчи, Баҳодир Розиков саккизинчи ўринни эгаллади.

\* Олий ва ўрта махсус таълим вазирлигида мамлакатимиз олий ўқув юртлиги ректорлари, маънавият ва маърифат ишлари бўйича проректорларининг Президент Ислоҳ Каримовнинг «Туркистон-пресс» ахборот агентлиги мухбирининг саволларига жавоблари ҳамда «Халқ сўзи» газетасида чоп этилган «Февраль воқеалари» мақоласига бағишланган анжуман бўлиб ўтди.

# “ОЛЛОҲ ҚАЛБИМИЗДА, ЮРАГИМИЗДА”

Ўзбекистон Республикаси Давлат Матбуот қўмитасининг “Ўзбекистон” нашриёти Президентимиз Исроом Каримовнинг “Туркистон-пресс” ахборот агентлиги мухбирининг саволларига жавобларини “Оллоҳ қалбимизда, юрагимизда” номи билан ўзбек ва араб тилларида нашрдан чиқарди.

Президентимиз ахборот агентлиги мухбирининг саволларига жавоб берар экан, шу йилнинг 16 февралда Тошкентда рўй берган фожеа муносабати билан айрим ахборот воситаларининг воқеага бир томонлама ёндашганларига алоҳида эътиборни қаратади. Ва



“асоссиз фикрлар, бир ёқлама қарашлар, енгилелпи хулосалар бизнинг тарихимизни, бугунги кунимизни, миллий хусусиятларимизни, дини исломнинг Ўзбекистон ҳаётидаги аҳамиятини билмайдиган муайян сиёсий ва моддий манфаатларни кўзлаган” муаллифлар иши эканини айтади. Юртбошимиз энг қалтис ва мураккаб замонларда ҳам муқаддас динимизни дил тўрида сақлаб келганимизни, диний туйғулар, исломий тарбия бутун вужудимизга сингиб кетганлигини ва ҳар доим

“Оллоҳ қалбимизда, юрагимизда” эканлигини алоҳида таъкидлайди. “Мен ҳам шу халқнинг бир фарзандиман, шу миллатнинг бир ўғлиман, дейди Исроом Каримов. — Алҳамдулиллоҳ, бир мусулмон фарзанди сифатида халқимга хос исломий тушунча ва туйғулар менинг ҳам қалбимда, юрагимда барқарор ва мен бу дунёю у дунё ўз эътиқодимдан қайтмайман”. Президентимиз ўз жавобларида ислом дини билан ислом фундаментализми бутунлай бошқа-бошқа тушунчалар эканига, уларни фарқлаш зарурлигига алоҳида эътибор қаратиб, бу хусусдаги қатъий

фикрларини бутун дунёга маълум қилди: “Мен Ўзбекистон раҳбари сифатида қандайдир ёвуз кучлар муқаддас ислом динимизни, ота-боболаримиз эътиқодини мусулмон фуқароларимизни таҳқирла-шига, жамиятимиз ҳаётига хавф туғдиришига ҳеч қачон йўл қўймайман”.

Юртимизда бунёдкорлик ишларида фаол қатнашаётган, давлатимиз сиёсатини қўллаб-қувватлаётган, ҳар ибодатида Ватанимиз ва унинг толмас, фидойи раҳбари тинчлиги, халқимиз омонлигини Яратгандан илтижо қилиб яшаётган миллионлаб соф ниятли мусулмонлар бор.

Президентимиз китобда алоҳида таъкидлаганларидек, “биз ўз муқаддас динимиз ва эътиқодимиздан ҳеч қачон воз кечмаймиз. Шу билан бирга, муқаддас динимиз шаънига доғ туширмақчи бўлган кимсалар билан ҳеч қачон муро-са қилолмаймиз”.

Китоб кўп минг нусхада ижарадаги Тошкент матбаа комбинатида чоп этилди. (УЗА)

# ЯКСОН БЎЛАГАЙ

Ватан хонлари расвойи икки жаҳон бўлгай,  
Элу халқ олдида бадном, ер била яксон бўлгай.  
Ватан меҳри, Ватан бахти инсон учун саодатдир,  
Шу шуҳратни хор этган эти йўқ устихон бўлгай.

Адашган тўғри йўлдан, “машҳур бўлмоқ” истагила,  
Жаҳолат хобида гафлат ўзга қасди жон бўлгай.  
Хон бўлмоқ истаган бирла муродга етолмас ҳеч,  
Бу янглиғ шавкатпарастлар ватандан гумдон бўлгай.

Қабиҳ ният-ла Ватан сотмоқ оғир жиноят-ку,  
Жаҳолат айлаган нокас, асири зиндон бўлгай.  
Учрагай халқ нафратига шайтони лаъин каби,  
Қилмиши олам аро жосусликка нишон бўлгай.

Ким ватан хонлигин қилди, ахир яксон бўлди,  
Ки баъзиси лабин тишлаб, гариб гўристон бўлди.  
Эй Нурмат, ашъор бирлан одамлар кўзини очгин,  
Ғанимлар қилмиши элу юртга бешак ошкор бўлгай.

Нурмуҳаммад СОЛИЕВ,  
Самарқанд

# ПРЕЗИДЕНТИМИЗ БИЗГА ИШОНСИН

Кўпчилик она диёримиз Ўзбекистонни жаннатмакон ўлка дея алқашади. Ҳа, ҳақиқатан ҳам Ватанимизга Оллоҳнинг назари тушган, парвардигори олам асраб -- авайлаган табаррук гўшадир. Бироқ, аждоқларимиз, ота-боболаримиз ҳоқи поийи тушган бу муқаддас маконимиз бошидан нелар кечмади.

Худого шукр мана қарийб саккиз йилдирки биз ўзбекистонликлар Юртбошимиз Исроом Каримов йўлбошчилигида ўзимиз танлаган йўллар сари шахдам одимляпмиз. Афсуски, бизнинг тинч, осуда замонамизга, фаровон турмушимизга, 16 февраль кунги баъзи ғаламислар разил одатлари билан қора булут солмоқчи бўлишди. Ғанимларнинг бу хатти-ҳаракатлари, ўқиш, илм олиш, изланиш, меҳнат оғушида юрган биз ёшларни мутлақо чалғита олмайди. Аксинча, қалбимизда уларга нисбатан нафрат ҳиссини, ғазаб аломатини туғдиради. Қатагон, турғунлик йилларида бундан ҳам даҳшатли воқеаларнинг гувоҳи бўлган халқимиз, ўз эркинлигини осонликча бировга бериб қўймайди. Юртдошларимизда муқаддас бир куч — Ватан иймони бор.

Айнан мана шу иймон бизга ўз душманларимизни яксон қилишга мадакор бўлади. Мен Президентимиз Исроом Каримовнинг бир сўзларидан қаттиқ илҳомландим. Улар Ўзбекистон ёшлари менинг фарзандларим, дедилар. Бу сўз мени янада юртимга меҳр билан қарашга ундайди. Ўзимга ишонч ато этди, чунки шундай отаси бор ўғил, қизларнинг ҳеч қачон боши ҳам бўлмайди. Улар бизга ишонар эканлар биз ҳам Президентимизнинг ишончларини оқлаймиз деган ниятда уларга сўз бераман. Сўзимизнинг устидан чиқишимиз учун барча имконият яратилган.

Фаррух СОДИҚОВ,  
Чирчиқ шаҳридаги  
12-гимназиянинг  
10-синф ўқувчиси

# ВАТАН ОЛДИДАГИ БУРЧ

16 февраль воқеаларидан сўнг баъзи давраларда, агар бу жиноят диний экстремистлар томонидан содир этилган бўлса, энди Ўзбекистонда Исроом дини анча тазйиққа учраса керак, деган фикрлар айтилиб қолди. Шундай гапларни эшитар эканман, ҳамон орамизда давлатимиз раҳбарияти, шахсан Президентимиз томонидан олиб борилаётган ижтимоий-сиёсий ислохотларнинг туб моҳиятини тушунолмаётган одамлар учрашини ҳис этдим.

Ваҳоланки, мустақилликка эришганимиздан кейин чинакам ҳуқуқий-демократик давлат қуришдаги дастлабки одимларимиз аввало ўзлигимизни англашдан, миллий қадриятларимизни тиклашдан иборат бўлди. Буни эса асрлар давомида халқимизнинг қон-қонига сингиб кетган динимизсиз тасаввур этиб бўлмайди.

Тарихдан маълумки, Исроом дини давлат Арабистонда юзага келган бўлса-да, лекин у Имом ал-Бухорий, Имом ат-Термизий, Ҳожа Баҳоуддин Нақшбанд, Аҳмад Ясавий, Абдулҳалиқ Фихривоний, Замашарий каби улуг бобоқалонларимиз салоҳияти туфайли Турон заминда камол топди, миллионлаб одамлар эътиқод қўйган буюк таълимотга айланди.

Турли ғаразли мақсадларни кўзлаб юрганларнинг, бу йўлда ҳар қандай жинояту қабиҳликдан ҳам ҳазар қилмаётганларнинг эса ота-боболаримиз эътиқод қўйган, эзуликни ва фақат эзуликни тарғиб этган дини Исроомга ҳеч қандай алоқаси йўқ.

Бугунги кунда мамлакатимизда миллий онг ва тафаккурни шакллантириш бирламчи масала бўлиб турган экан, ҳуқуқий давлатнинг асоси бўлган фикр эркинлиги, жумладан, эътиқод эркинлиги сақланиб қолаверади.

Президентимизнинг Ўзбекистонда амалга оширилаётган ислохотларга бағишланган асарлари билан танишганда ҳам, “Туркистон-пресс” ахборот агентлиги мухбирининг саволларига жавобларини ўқиганда ҳам бунга қайта-қайта ишонч ҳосил қилиш мумкин.

Дарҳақиқат, ўзбек халқи ўзи танлаган, асрий қадриятларга асосланган йўлидан оғишмайди. Ёшларимизни шу қадриятларга садоқат руҳида тарбиялаш, ҳар хил ғаразли мафкуравий иллатларнинг тинч ва фаровон ҳаётимизга суқилиб киришига йўл қўймаслик эса барчамизнинг Ватан келажаги олдидаги муқаддас бурчимиздир.

Камолиддин ЮСУПОВ

# СИЗГА ҚАНОТМИЗ

Президентимизнинг “Туркистон -- пресс” ахборот агентлиги мухбирининг саволларига жавобларини йигит-қизлар даврасида кенг муҳокама қилдик.

Дарҳақиқат, дин бизнинг қон-қонимизга, онгу шууримизга шу қадар тегаранки, уни ҳеч қандай куч, ҳеч қандай ташвиқот билан чиқариб бўлмайди. Президентимиз таъкидлаб ўтганларидек, биз ўз миллатимизни мана шу муқаддас диндан айри ҳолда асло тасаввур қила олмаймиз. Диний қадриятларимизсиз биз ўзлигимизни йўқотамиз. Бироқ дин ниқоби остидаги ҳар қандай номаъқулчилик, ақидапарастликка қаршимиз.

Бошқача айтганда биз ёшлар йўлбошчимиз билдирган фикрларни тўла қўллаб-қувватлаймиз. Қолаверса, Ромитанда ҳам жасур ўғлонлар, ўзини Ўзбекистоннинг ҳақиқий фарзандлари деб билувчи кўркмас йигит-қизлар кўп. Ҳар биримиз тинчлик учун, озод Ватанимиз, Президентимиз учун қалқон бўлишга, керак бўлса, жонимизни беришга тайёрмиз.

И. МАВЛОНОВ,  
“Камолот” жамғармасининг  
Ромитан тумани бўлими раиси

# Ёшлар тарбияси диққат марказида

Президентимиз Исроом Каримовнинг «Туркистон-пресс» ахборот агентлиги мухбири саволларига жавоблари ҳар бир юртдошимиз қалбидан чуқур жой олди. Чунки йўлбошчимиз мустақиллигимизнинг дастлабки кунлариданок, давлатимизнинг динга бўлган муносабатини ҳар томонлама асослаб ва тушунтириб бердилар. Бу масалалар янги таҳрирдаги «Виждон эркинлиги ва диний ташкилотлар тўғрисида»ги қонунда ҳам ўз ифодасини топди.

Ушбу қонунда виждон эркинлиги - фуқароларнинг кафолатланган Конституциявий ҳуқуқи, дейилган.

Шунинг учун бугун биз юртбошимиз айтганларидек, «Оллоҳ қалбимизда, юрагимизда» эканлигини ҳар биримиз доимо ҳис қиламиз.

Исроом дини асрлар давомида халқимизни яхши йўлга бошлаган, ёшларимизни тарбиялашда муҳим ўрин тутиб, иймонли, эътиқодли бўлишга даъват этиб келган. Айниқса, ҳадисларда келтирилган «Бешикдан то қабргача илм изла» сўзларида қанча ҳикмат бор ва бу барчани маърифатга чорловчи ширордир.

Президентимиз таъкидлаганларидек, «Баъзан Исроом дини ва ислом фундаментализми ҳақида га-

пирганда, бу икки тушунчани аралаштириб юбориш ҳоллари учрамоқда». Айниқса, ислом динини ниқоб қилиб олиб, гўёки, «ислом байроғи остида» ўзларини «чин мусулмон» сифатида кўрсатиб, энг ифлос, энг манфур, энг қабиҳ ишларга қўл ураётган ёвуз ниятли кимсаларга бизнинг жамиятимизда - хур, мустақил, демократик ислохотлар йўлидан бораётган Ўзбекистонда ўрин йўқ, дейишга ҳақдимиз.


Сулаймон Иноятлов,  
Навий шаҳри  
/УЗА/







## БОШ ҚОТИР МА



## ЭНИГА:

1.Бирор нарсанинг миқдорини санаб аниқлаш.3.Вақт ўлчов бирлиги. 5.Малҳам. 8.Наврўз таоми. 10.Бирга. 11.Катта буви. 13. Фин композитори. 17.Маҳаллий шакарпазлик маҳсулоти. 21.Содда. 22.Баҳодир, паҳлавон. 23.Космик орбитал станция. 24. Мис сурма чўп. 25.Гўдак кутган кўшиқ. 26.Илк ўзбек автомобилсозлик шахри. 27. Пайгамбаримиз қилган амаллар. 28.Кечириниш. 29.Пайгамбарлардан бири. 31.Буйруқ. 33. Хушхўр тоғ ўсимлиги. 34.Фулом Зафарий асари. 36.Эришмоқ, етишмоқ. 37.Албания пул бирлиги. 39.Ноз-карашма. 41.Ука. 42.Насл, зот. 43.Зар билан тикилган дўппи. 44.Етти ранг жилоси. 46.Кўп, анча. 47.Ажриқ. 49.Кеннойимнинг онаси акамга ким? 50.Эрта пишар узум. 52.Ном. 54.Таажжуб, ҳайрат маъносига ифода. 57.Ўқимли, майин. 58.Сержаҳл, далил. 59.Шавкат Сиддиқийнинг "Фигон" асари қаҳрамони. 61.Тирик организмни наслдан-наслага ўтказиш қобилияти. 62.Хужжат, далил. 63.Машҳур эстон хонандаси. 64.Совуқ қуролларнинг умумий номи. 66.Маълумот, дониш. 67.Тожикистондаги шаҳар. 69.Байрам олди кун. 70.Рўзгор буюми. 71.Инсон кечирган ҳаёт давоми. 72.Хўл мева. 74.Сумалақдан топиладиган модда. 75.Спорт тури. 77.Қирғовул. 81.Қаттиқ совуқ, аёз. 85.Машҳур иллюзионист. 86.Энг азиз инсон. 87.Уч, интиқом. 88.Икки шохчали таёқ. 89.Ифти-

хор. 90.Ихчам ҳикматли ибора.

## БҮЙИГА:

1.Табиб. 2.Бадий асарнинг бир бўлаги. 3.Шиддатли ёмғир. 4.Амударёнинг қисқа номи. 6.Арманча мурожаат. 7. Кир ювиш воситаси. 8.Тилла кукунли бўёқ. 9. Кичик маъжозий ҳикоя. 10. Ишора. 12. Шоҳмат донаси. 13. Хурмат-эътибор билан хурсанд қилинган. 14. Кифт. 15. Бўйсунмоқ. 16. Бугдойдан тайёрланадиган баҳорий таом. 17. Ойнинг иккита бир хил фазаси. 18. Мол-дунёга эҳтирос. 19.Нон тури. 20. Хотамлик, мардлик. 28. Дарё ўзани. 30. Ўқимишли киши. 31. Пардакано-диларнинг бир тури. 33. Нишон. 35. Ёнғоқнинг бошқача айтилиши. 38. Табиий сув ҳавзаси. 40. Азонга чорловчи. 45. Мато тури. 47.Саҳро. 48.Эгилмасдан синадиган. 49.Қорақалпоғистондаги шаҳар. 51. А.Беллевнинг "жабрал" одами. 52. Диний пешво. 53. Рангли металл. 55.Кўкат, ўт. 56.Қишнинг охирига ҳафтаси. 60. Қўрқмас, баҳодир. 65.Ғўзал, барно аёл. 68. Россиядаги дарё. 70. Дон экини. 71. "Қора кўзим". 73. Хунарманд. 74. Узум дарахти. 76. Пардоз анжому. 78. Хид. 79. Оиладаги қатта қиз. 80.Отлар тўдаси. 82. Нигериядаги шаҳар. 83. Озод, эркин. 84. Башорат қилиш, фол.

Тузувчи: Фаёз АБДУКАХХОР ўғли

**Ташриф қоғози**  
**Ҳасан ТОИРОВ.** 1967 йил Тошкент вилояти Оҳангарон туманидаги Қорахитой қишлоғида туғилган. 1982-1986 йилларда Оҳангарон қурилиш-материаллари саноати техникумида таҳсил олган. Айни кунда Абдулла Қодирий номи Тошкент Давлат Маданият институтининг сиртки бўлими талабаси ва Оҳангарон туманидаги 17-ўрта мактаб ўқитувчиси. У 1998 йили "Қамолот" жамғармаси томонидан ўтказилган "Қизиқчи-98" кўрик-танловининг республика босқичида иштирок этиб, совринли ўринга сазовор бўлган.

*Оилали, турмуш ўртоғи Феруза Тоирова икки нафар қизалоғи тарбияси билан машғул.*

-- Ҳасан ака, суҳбатимизни айнан сизни халқимизга танитаётган санъат қизиқчилик ҳақидаги фикримиз билан бошласак.

-- Қизиқчиликни санъатнинг бошқа турларига нисбатан бир мунча мушкулроқ десам адашмайман. Чунки мазкур касб эгасининг тил бойлиги кучли бўлиши, шунингдек, ўз ижодида кўпроқ сўз санъатига таянган ҳолда томошабинларни самимий қулдира олиши лозим. У инсонларга қаҳқаҳани нафақат сўз ижроси, балки ҳатти-ҳаракати орқали ҳам намоён эта олиши керак.

-- Сизнингча қизиқчи бўлиш учун бирор жойда таҳсил олиш керакми?

-- Муддаингизни тушундим. Демак, унинг учун бирор мактабда таҳсил олиш шарт эмас экан-да, демократизмда.

Қизиқчи халқи аскиячи бўламан деб ҳеч қандай даргоҳнинг эшигини тақиллатиб бормайди. Қолаверса, қизиқчилар тайёрланадиган мактабнинг ўзи йўқ. Санъаткор бўлиш учун Аллоҳ таоло ато этган туғма истеъдод, иқтидор ва қобилият мажмуи бўлиши керак. Агар

шу фазилатлар мужассам бўлмаса, у қанчалик ҳаракат қилмасин барбир бунинг уддасидан чиқа олмайди.

-- Қулдириш қобилиятингиз борлигини қачон сезгансиз?

-- Синфдошларимни, мактабдошларимни ўзимча қулдириб юрардим. 10-11 ёшлигимда қишлоғимизда бўлаётган тўйда микрофонни олиб, овозимнинг борица, мусулмонлар, дарвозани ёпинглар, ҳовлида бирорта тирик жон қолмасин, акс ҳолда... дея бақиргандим. Ўшанда гапим кўркувдан кўра қулгига сабаб бўлганди. Шунда ҳамқишлоғим Абдуғани ака деган киши ёнимга келиб мендан келажакда яхшигина қизиқчи чиқиши мумкинлигини айтиб, омад тилаганди. Ана шундан кейин бу соҳага қизиқишим ортди.

-- Одамларни қулдиришнинг ҳам ўзига хос машаққати бўлса керак?

-- Одамлар табиатан нозик.

Чунки қулгисеварлар зийрак, ҳамма нарсани дарров илғаб олишади.

-- Бордию сизни бирон фильмда суратга тушишга таклиф қилинса...

-- Ҳеч қарши бўлмасдим. Агар ҳажвий фильм бўлса менга ишониб топширилган ролни меъёрига етказиб жон дилимдан ижро этишга ҳаракат қилардим. 1996 йилда ўстозим Мирзо Холмедов таклифига кўра "Болажон" фильмида суратга тушдим ва ўз истеъдодимни синаб кўрдим. Мана шу фильмда халқимизнинг сеvimли санъаткори Юлдуз Усмонова билан биргаликда роль ижро этиш бахтига муяссар бўлганимдан бағоят мамнунман. Фильм ўз мухлисларини топган десам адашмайман.

-- Адашмасам, ана шу фильмда Юлдуз Усмоновадан бир неча марта тарсаки егансиз...

-- Роппа-росса етти марта.

## ШАПАЛОҚ ЕГАН ҚИЗИҚЧИ

Кимгадир қулги ёқади, бошқа бировга эса аксинча. Қизиқчи ана шуларнинг барчасининг қалбига йўл топа олиши зарур. Яъни, халқдан олган бор бисотини халқнинг ўзига қайтармоғи даркор.

-- Таклидга муносабатингиз қандай?

-- Аслида таклид ёмон нарсас эмас. Одам кимгадир ўхшаси келиб, ундан ниманидир ўрганади. Қолаверса, ўзидаги камчиликлардан халос бўлишга интилади. Лекин айнан бировдан тўлиқ ўзлаштирилган таклид ўз самарасини бермайди. Менимча қизиқчиликда бировга таклид қилиб нон топиш қийинроқ. Масалан, Мирзо Холмедов ёки Хожибой Тожибоевларнинг томошабинларни қулдириш жараёнида қилган имо-ишораларининг ўз саҳнаси бор. Мен уни тўлиқ ўзлаштиролмайман.

Яна бўлса ҳаммаси чап юзimgа-я. Ўшанда Юлдуз опага шартта ўнг юзимни тутмасдан адашган эканман. Балки шунда озгина ҳовуридан тушармиди.

-- Ҳасан ака, одатда кўпчилик санъаткорларнинг "қўшимча" исми бўлади.

--1983 йилларда қишлоғимиз клубида Ҳиндистоннинг "Диско раққосаси" фильми бир неча кун намоиш этилди. Фильмдаги Жими образи менга жуда ёқиб қолганди. Ана шундан кейин мактабимизда ўтказилган талбирларда Жими куйлаган ҳиндча кўшиққа ўйинга тушардим. Шу-шу қишлоқ Жимисиман.

-- Хусанингиз ҳам бор экан. Эгизакларнинг табиати бир-бирига монанд бўларди.

Бизники ҳам жуда ўхшаш. Хусанимда ҳам қизиқчилик



қобилияти бор. Биз биргаликда туманимиздаги қизиқчилар театрида фаолият юритганмиз. Кейинчалик у турмуш ташвишлари, аниқроғи, қўллаб-қувватловчилар бўлмаганидан, театр ёпилиб қолганидан кейин бу соҳани сал йиғиштириб қўйди.

-- Ўзбек қизиқчилиги бошқа халқ қизиқчилигидан қайси жиҳатлари билан фарқланади?

-- Бизники танҳо. Уни ҳеч бир халқ аскиябозлигига таққосламайман. Чунки ўзбек халқининг ҳар бир сўзидан бир ҳовуч қулги яса-са бўлади. Сўз бойлиги кучли, масалан марҳум ҳажвчиларимиз Юсуфжон қизиқ Шакаржонов, Муҳиддин Дарвешов, Ҳасан Йўлдошев, Соиб Хўжаевларнинг ҳар бир асарларидан нафақат қуласиз, балки ўзингиз учун дуру гавҳар ҳам топасиз.

-- Халқ хизматида бўлишингизда омад сизга ёр бўлсин!

"Туркистон" муҳбири Рўзбой АЗИМ суҳбатлашди

## Мактаб ҳаётиндан

## КЕЛИНГ, БИР ҚУЛИШАЙЛИК

## Физика ўқитувчиси:

Фараз қиламиз -- электр лампасини ёндирмоқчи бўлдик, лекин у ёнмади. Ҳўш, сабаби нима бўлиши мумкин?

## Ўқувчи:

-- Электр ҳақини тўламаганингизда, ёки...

x x x

Ўқитувчи: "Қанд" сўзи иштирок этган гап тузинглар.

Ўқувчи: -- Эрталаб қаҳва ичдим.

Ўқитувчи: Бу гапда "қанд" сўзи қерда?

Ўқувчи: Қаҳванинг ичида эриб кетган.

x x x

Математика ўқитувчиси:

-- Мен энди сизларга теоремани исбот қилиб бераман.

Ўқувчи: Қўяверинг, устоз, биз сизга ишонамиз, кераги йўқ.

x x x

Мактабдан қовоғини солиб қайтган ўғлидан она сўради:

-- Уғлим, нега хафасан?

-- Нега бўларди, ўқитувчи сизга "2" қўйди. Масалани хато ечганингиз учун.

Ж. РЎЗИМАТОВ, ўқувчи



